

## ОЮН САЛААЛАРЫМ ЭРТЕМДЕННЕР»

Салааларым саны каш деп,  
санап тургаш билип аар мен.

Бир холумда 1, 2, 3, 4, 5  
өскезінде-1, 2, 3, 4, 5.

Олар шупту катгышкаштың 1  
0-деп санап көрдүвүс-даа  
1, 2, 3, 4, 5, 6, 7, 8, 9, 10.

Оя сөглээн, чиге сөглээн.  
Олар шупту атгарлыг-даа.



## ЧЫДЫГ КОДАН» (САЛААЛАР-БИЛЕ ОЮН)

Бирээзи ийи холдуң салааларын үскүлештир  
тудуп алган, өскези ол салааларның башта-  
рынче айыткаш, айтырыг салыр.

-Борта кирер бе? ( Чок)

Адыш иштинде хос черже айыткаш: Ки-  
рип болур бе?- дээр.

- Ийе, кирип болур. Чүге чор сен?

- Хой кадарган оглум кодан эъди эккел-  
ди, ооң эъдин хайындырып чиир кара  
пажыңар дилеп чор мен.

- Ында чыгышкын баарында ызырар  
ыдымга, үзер инээмге үстүртүң халак!

-Ох!-дээш, буза үстүргөш, үнерин орал-  
дажыр, өскези адыжы-биле аспактап алы-  
рын кызыдар.



ФЕДЕРАЛДЫГ ТӨЛЕВИЛЕЛ  
«АМГЫ ҮЕНИҢ ШКОЛАЗЫ»



Тыва Республиканың Ак-Довурак  
хоорайның школа назыны четпээн уругларның  
муниципалдыг автономнуг өөрөдилге албан чери  
«Сказка» уруглар сады

## АДА-ИЕНИҢ СҮМЕ АЛЫР ТӨВҮ

### «ТООЛЧУГАШ»



Үндүрүлгө №15

## ХУУЛГААЗЫН БИЛЗЕКТЕРНИҢ

### ДУЗАЗЫ-БИЛЕ

## УРУГЛАРНЫН ХАРЫЛЗААЛЫГ

### ЧУГААЗЫН САЙЗЫРАДЫРЫ

Белеткел бөлүүнүң ада-иезинге сүмелер  
Үндүрүлгениң тургузукчузу -  
Кужугет Жанна Оюн-ооловна,  
кижизидикчи башкы



Эн бичии назындан эгелээш, бичии уруглар долгандыр турар амыдыралдың болгаш бойдустуң дугайында билиглерни төрөөн дылын дамчыштыр шингээдип алырлар.

Харылзаалыг чугааны сайзырадырынга мнемотаблица-чуруктарны дидактиктиг материал кылдыр ажыглап, уругларның харылзаалыг чугаазын сайзырадыр аргалары:

- Баштай шээжилээр шүлүктү, оюнну шилип тывар.
- Шилип алган шүлүкте, оюнда кол сөстөрү тывар, хуулгаазын билзектерге таарыштыр чуруктарын белеткээр. Оларга бир-ле чүүл, шимчээшкин, хевир илереткен сөстөр болур.
- Өңнүң сөстөрүн, шүлүктү аянынг, билдингир, сөстөрү тода адап тургаш, шээжи-биле уругларга чугаалап бээр.

### КИЧЭЭЛДЕП ТУРАР ҮЕДЕ СҮМЕЛЕР:

- уругнуң стол, сандайга шын олудун хайгаараар;
- уругнуң хуулгаазын билзектерни шын, шүлүктүң аайы-биле салаазынга кедип алырын билиндирер;
- уругга оюн дузазы-биле шүлүктү шээжи-биле өөредип, билиндирер;
- уругну үргүлчү мактаар болза эки.

### САЛААЛАР-БИЛЕ ОЮННАР

#### ОЮН «МАТПААДЫР»

Матпаадыр паштаныр.  
Бажы-курлуг бажын тудар.  
Ортаа мерген от салыр.  
Уваа-шээжек уруктаар.  
Биче-мөөмей чээрген чыыр.  
Авазынга дузалажыр.  
Аажок кежээ салааларым.

### ОЮН «КЫЗЫЛ-МААДЫР АЛЫШКЫЛАР»

Матпаадыр башкылаар.

Бажы-курлуг малдаар.

Ортаа-мерген от салыр.

Уваа-шээжек уран-шевер.

Биче-мөөмей бижик көөр.

Кылбас, тутпас чүвези чоку

Кызыл-маадыр алышкылар.

